

欽定日下舊聞考卷一百四十八

風俗

原六月六日內府皇史宬晒曝列聖實錄列聖御製文集諸大函每歲故事也至於時俗婦女多以是日沐髮謂沐之則不膩不垢至於猫犬之屬亦俾浴於河京師象隻皆用其日洗於城外之水濱一年惟此一度也野獲編

編

原六月十二日御廄洗馬於積水潭導以紅仗中有數頭錦帕覆之最後獨角青牛至諸馬莫能先也北京歲華記

欽定日下舊聞考

卷一百四十八

一

臣等謹按三伏日洗象語詳城市卷中至積水潭洗馬之制在明代本屬具文今已久廢仰惟我朝考牧之盛龍駉馴擾於

天閑游牝孳生於外廄馬政修而武騎飭灤都薊野蹠躩千羣豈區區牧圉池澤之足云乎

增六月京師中多市麻泥科斗粉煎茄炒韭煎餅五更汲水以備合醬之用咸謂此日水與臘水相同仍以此日曬乾肉猶臘味也析津志

增六月進肴蔬果京都六月內月日不等進桃李瓜蓮

俱用紅油漆木架蔬菜茄匏瓠青瓜西瓜甜瓜葡萄核
桃等凡果菜新熟者次第而進上同

原浮瓜歐陽原上功漁家傲詞影六月都城偏晝永槐芽瀋動
綠鬢親王初守省乘輿去後嚴巡警圭齋集心
波萬頃間芳景掃宮人戶撈漁艇

增立秋日相戒不飲生水曰呷秋頭水生暑痲子帝京景物

畧

增都中人民七月祀先用麻糍奠酒爲誠買紙錢冥衣
燒化於墳謂之送寒衣仍以新土覆墓市中賣摩訶羅
巧神泥塑人物大小不等宮庭宰輔士庶之家咸作大

欽定日下舊聞考

卷一百四十八

二

棚張掛七夕牽牛織女圖盛陳瓜果酒餅蔬菜肉脯邀
請女流作巧節會稱曰女孩兒節覘小貞咎飲宴盡歡

次日饋送還家析津志

原七夕前數日種麥於小瓦器爲牽牛星之神謂五生

盆燕石集

原鵲宋裴詩簾籠盡相似巧棚人靜五生陌晴泥著錦

原七夕宮中最重市上賣巧果人家設宴兒女對銀河

拜北京華記歲

補九引臺七夕乞巧之所至夕宮女登臺以五采絲穿

九孔鍼先完者爲得巧遲完者謂之輸巧各出資以贈

得巧者元掖庭記

補七夕各宮供像生牛郎織女從人麒麟象羚羊海馬

獅子獬豸兔海味糖果糖菜俱用白糖澆成光祿寺志

補燕都女子七月七日以碗水暴日下各自投小鍼浮

之水面徐視水底日影或散如花動如雲細如綫恂如

椎因以卜女之巧宛署雜記

增七夕節宮中立巧山子衣鵲橋補初一起至十四日

止中元節食銀苗菜及水鴨菜乃藕之嫩芽鴨乃先一

欽定日下舊聞考 卷一百四十八 三

日煮熟凝成膏甜食房供佛波羅蜜西苑作法事放河

燈陳琮注

原七月十三日至十五日迎節送節笑節燕北雜記

原十三日天子於宮西三十里卓帳宿焉前期備酒饌

翌日諸軍部落從者皆動蕃樂飲宴至暮乃歸行宮謂

之迎節十五日動漢樂大宴十六日昧爽復往西方隨

行諸軍部落大譟三謂之送節遼史禮志

補七月十五日燕城鄉民蔔黍苗麻粟苗連根及土縛

豎門之左右別束三叢立之門外供以麪果呼爲祭麻

穀月令
廣義

原中元節前上冢如清明各寺設盂蘭會以長椿寺為

盛晦日謂是地藏佛誕供香燭於地積水潭泡子湖各

有水燈北京歲
華記

補燕市七月十五夜兒童爭持長柄荷葉然燈其中繞

街而走青光熒熒若燐火然陝志

原新棚歐陽原功漁家傲詞
狡偏七月都城爭乞巧
荷花旖旎

秋雨碧玉蓮和柄拗晡時飲酒醒時卯淋罷麻稽
飽新房涼稍夜燈叫買雞頭炒圭齋集

原八月八日遼俗屠白犬於寢帳前七步瘞之露其喙

欽定日下舊聞考 卷一百四十八 四

後七日中秋移寢帳於其上遼史禮志

增車駕自四月內幸上都太史奏某日立秋乃摘紅葉

涓日張燕侍臣進紅葉秋日三宮太子諸王共慶此會

上亦簪秋葉於帽張樂大燕名壓節序若紫菊開及金

蓮開皆設燕蓋宮中內外官府飲宴必有名目不妄為

張燕也析津志

增是月都城當諸角頭市中設瓜果香水梨銀絲棗大

小棗栗御黃子頻婆柰子紅果子松子棒子諸般時果

發賣宣徽院起解西瓜等果時蔬北上迎接大駕還宮

上同

增八月十五日祭月其祭果餅必圓分瓜必牙錯瓣刻之如蓮華紙肆市月光紙績滿月像跌坐蓮華者月光徧照菩薩也華下月輪桂殿有兔杵而人立搗藥自中紙小者三尺大者丈工緻者金碧繽紛家設月光位於月所出方向月供而拜則焚月光紙徹所供散家之人必遍月餅月果戚屬餽相報餅有徑二尺者女歸寧是日必返其夫家曰團圓節也

帝京景物畧

原中秋夜人家各置月宮符像符上兔如人立陳瓜果

欽定日下舊聞考

卷一百四十八

五

於庭餅面繪月中蟾兔男女肅拜燒香旦而焚之

北京歲華

記

補燕都士庶中秋餽遺月餅西瓜之屬名看月會

月令廣義

補京師八月秋社各以社饊社酒相餽送貴戚宮院多

切肉和蔬果鋪於飯上謂之社飯人家婦女皆歸外家

姨舅輒以新葫蘆貽之云宜外甥

自得語

原歐陽原功漁家傲詞八月都城新過雁西風偏解

驚游宦十載辭家衣綫綻清宵半家家搗練砧聲亂

螢待中秋明月翫客中只作家中看秋草牆頭

火爛疎鐘斷中心臺畔流河漢圭齋集

原遼俗九月九日打圍賭射虎少者為負輸重九一筵

席射罷於地高處卓帳飲菊花酒出兔肝生切以鹿舌醬拌食之燕北雜記

增九月車駕還都初無定制或在重九節前或在節後或在八月宮中菊節自有常制駕至大內下馬大茶飯者泱旬析津志

增九月九日都中以麪爲糕餽遺作重陽節亦於闐闐中策策蘆蓆了賣如七夕午節市人又多以小扛車上街沿了賣士庶官員亦以追節爲重往還燕禮如常故

事同上

欽定日下舊聞考

卷一百四十八

六

原重九日勅賜百官花糕宴燕都游覽志

原九日集無定所而阜成門外眞覺寺金剛寶座游人爲多市上賣糕人頭帶吉祥字霜降後鬪鶴鶉籠於袖

中若棒珍寶北京華記

增九月九日載酒具茶鑪食榼曰登高高山高閣釋而不登但賃園亭闐坊曲爲娛耳麪餅種棗栗其面星星然曰花糕糕肆標綵旗曰花糕旗父母家必迎其女來

食亦曰女兒節帝京景物畧

增重陽前後設宴相邀謂之迎霜宴席間食兔謂之迎

霜兔好事者列菊花數十層於屋下前者輕後者軒望

之若山坡五色燦爛環圍無隙名曰花城

陳琮詩注

原 迎朝歐陽原上漁家傲詞 九月都城秋日 紅葉同春賞 白露

鼉鼓響擎仙掌千官瓜果迎鑾仗 銀榜龍虎臺前

原 十月朔上冢如中元祭用豆泥骨朶北京歲華記

補 十月朔日紙坊剪紙五色作男女衣長尺有咫曰寒

衣有疏印緘識其姓字輩行如寄書然家家修具夜奠

呼而焚之其門曰送寒衣帝京景物畧

增 十月皇城東華門外朝廷命武官開射圃常年國典

欽定日下舊聞考

卷一百四十八

七

析津志

補 燕市賣鞦人以十月一日為鞦生日供具祭之以其

陰晴卜一冬寒燠宛署雜記

增 十月羊始市兒取羊後脛膝之輪骨曰貝石置一而

一擲之置者不動擲之不過置者乃擲置者若動擲之

而過勝負以生其骨輪四面兩端凹曰真凸曰詭勾曰

騷輪曰背立曰頂骨律其頂岐亦曰真平亦曰詭蓋真

勝詭負而騷背間頂平再勝頂岐三勝也其勝負也以

貝石帝京景物畧

原冰蘆歐陽原炕煤爐香傲詞熟燔十月鹿都城高昌家旨蓄羊頭菘雪韭
貂袖豹回寒燠梅花一人夜開金屋續花戶油臚
通曉旭祛銀鼠瀑美人來往羶車圭齋集

原遼俗至日帝御天祥殿北南臣僚常服入朝依位賜
坐遼人南面漢人北面分朋行鬪或五或七籌賜膳及
茶若帝得鬪臣僚進酒訖以次賜酒遼史禮志

增冬至日太史院進歷回回太史進歷又進畫歷後市
卽有賣新歷者宰相於至日親率百辟恭賀遞手帕隨
貢方物士庶人家並行賀禮析志津

增凡時憲書歲以二月一日進來歲書式四月一日頒
欽定日下舊聞考卷一百四十八 八

直省刊刻十月一日恭進大典大清會典

補京師最重冬節不問貴賤賀者奔走往來家置一簿
題名滿幅自正統己巳之變此禮頓廢孤樹哀談

補故事自冬至後至立春日殿前將軍甲士賜酒肉名
曰頭腦酒明典故聞紀

補冬至日八家畫素梅一枝爲瓣八十有一日染一瓣
辦盡而九九出則春深矣曰九九消寒圖帝京景物畧

增楊允孚雜詠詩餘試數窗間九九圖餘寒消盡暖
回初梅花點遍無餘白看到今朝是杏株同上

原十一月八家墻戶藏花木於窖食兔羹女子嫁者多

歸寧爲母浣濯曰報娘恩琢石如彈丸置於地童子以足送之前後交擊爲勝始擊羯鼓鼓用鐵爲圍單皮覆之每十人五人聚擊女子亦然北京歲華記

原紙明歐陽原功漁家傲詩夜酌十一月都人居燠閣吳中雪

冬冰織不薄都人樂官家喜受新年朔冰鑿圭齋集

原十二月八日賜百官粥民間亦作臘八粥以米果雜

成之品多者爲勝此蓋循宋時故事然宋時臘八乃十

月八日燕都游覽志

增是月八日禪家謂之臘八日煮紅糟粥以供佛飯僧

欽定日下舊聞考 卷一百四十八 九

都中官員士庶作朱砂粥傳聞禁中一如故事析津志

補千官陸鈇午門臘八日賜食次文徵仲韻詩漢宮臘日

上方儀瑤階霽雪輝金仗太液寒雲凍玉卮近侍恩波知爾共還家須擬少陵詩石集

原臘月束梅於盎匿地下五尺許更深三尺用馬通然

火使地微温梅漸放白用紙籠之鬻於市小桃郁李迎

春皆然餽遺尚鮮果羯鼓聲益喧曰迎年鼓先除夕一

日日小除人家置酒宴往來交謁曰別歲焚香於戶外

曰天香凡三日止帖宜春字小兒女寫好字北京歲華記

補京師風俗入冬以地窖養花其法自漢已有之漢世

天官園冬種蔥韭菜茹覆以屋廡晝夜爇熅火得溫氣
諸菜皆生召信臣爲少府謂此皆不時之物有傷於人
不宜以奉供養奏罷之但此法以養菜蔬未嘗養花木
也今內家十月卽進牡丹亦是此法然在漢止言覆以
屋廡而已今法皆掘坑塹以窖之蓋八冬土中氣煖其
所養花木借土氣火氣相半也

疑耀

補京師舊俗歲終二十四日謂諸神上界其夜家人設
祭遣奠致詞且有遏惡揚善之屬

秋澗集

補王惲詩天濶神駢馭燈青喜結花逢新如有問萬一

欽定日下舊聞考

卷一百四十八

十

善相誇
同上

增十二月二十四日以糖劑餅黍糕棗栗胡桃炒豆祀

竈君以槽草秣竈君馬謂竈君翌日朝天去白家間一
歲事祝曰好多說不好少說記稱竈老婦之祭今男子
祭禁不令婦女見之祀餘糖果禁幼女不令得啖曰啖
竈餘則食肥膩時口圈黑也

帝京景物畧

補燕俗圖竈神鍍於木以紙印之曰竈馬士民競鬻以
臘月二十四日焚之爲送竈上天別具小糖餅奉竈君
具黑豆寸草爲秣馬具合家少長羅拜祝曰辛甘臭辣

竈君莫言至次年元旦又具如前爲迎竈

月令廣義

臣等謹按京師居民祀竈猶仍舊俗禁婦女主祭

家無男子或迎鄰里代焉其祀期用二十三日惟南省客戶則用二十四日如劉侗所稱也

增十二月二十五日五更焚香楮接玉皇曰玉皇下查

人間也竟此日無婦嫗詈聲

帝京景物畧

原歲十二月下旬於西鎮國寺內牆下灑掃平地束稈草爲人形一爲狗一剪雜色綵段爲之腸胃選達官世家之貴重者交射之至糜爛以羊酒祭焉祭畢帝后及

欽定日下舊聞考

卷一百四十八

十一

太子嬪妃并射者各解所服衣俾蒙古巫覡祝讚讚畢遂以與之名曰脫灾國俗謂之射草狗

元史祭祀志

增除夕五更焚香楮送玉皇上界迎新竈君下界插芝

麻糈於門簷窗臺曰藏鬼糈中不令出也門窗貼紅紙葫蘆曰收瘟鬼夜以松栢枝雜柴燎院中曰松盆煇歲也懸先亡影像祀以獅仙斗糖蔴花饊枝染五色葦架罩陳之家長幼畢拜已各自拜曰辭歲已藁坐食飲曰守歲是月小兒及賤閒人以二石毬置前先一人踢一令遠一人隨踢其一再踢而及之而中之爲勝一踢卽

著焉卽過焉與再踢不及者同爲負也再踢而過焉則讓先一人隨踢其法初爲趾踵苦寒設今遂用賭如博

然有司申禁之不止也

帝京景物畧

補都下寺院每用歲除鍛磨是日作鍛磨齋

僧園逸記

補江隣幾雜誌雄霸沿邊塘泊冬月載蒲葦悉用凌牀

沈存中筆談信安滄景之間挽車者衣韋袴冬月作小

坐牀冰上拽之謂之凌牀今京師在處有之一人挽行

滑如帆駛聞明時積水潭嘗有好事者聯十餘牀攜都

籃酒具鋪糴榆其上轟飲冰凌中亦足樂也

倚晴閣雜抄

欽定日下舊聞考

卷一百四十八

十二

補京師臘月河冰結時水面多設冰牀往來絡繹以供

行客其捷如飛較之坐騎乘車遠勝多矣

陳檢討集

補京師冬月旣以紙糊窗格間用琉璃片畫作花草人

物嵌之由室中視外無微不矚從外而觀則無所見此

歐陽楚公十二月漁家傲詞所云花戶油窗也蓋元時

習俗已尚之

蘇詞話

原歐陽原功第藏家傲詞侍妾紅袖壓笑歌聲送金蕉葉

鮪倦客玉堂寒正怯曉淘金井冰生鬣凍合竈

原北人打圍一歲間各有處所五月釣魚海上於水底

釣大魚二月三月放鶻號海東青打雁四月五月打麋鹿六月七月於涼淀坐夏八月九月打虎豹之類自此至於歲終如南人趁時耕種也使遼錄

原金源之制歲以正月如春水九月幸秋山五月之間

羣臣一進起居表潛溪集

宋彝尊原按春水秋山疑無定所春漁於水則謂之春水秋獵於山則謂之秋山云爾

臣等謹按京師土俗惟帝京景物畧所紀近日多沿其舊朱彝尊原書採錄殊少今增採如右

欽定日下舊聞考

卷一百四十八

十三

葉庭和校

欽定日下舊聞考卷一百四十八